

**ხელშეკრულება
სახელმწიფო შესყიდვის შესახებ № 100**

ქ. თბილისი

„12“ „ივნისი“, 2019 წელი

„სახელმწიფო შესყიდვების შესახებ“ საქართველოს კანონის მე-10¹ მუხლის მე-3 პუნქტის „ზ“ ქვეპუნქტისა და საქართველოს მთავრობის 2014 წლის 03 იანვრის № 37 დადგენილების თანახმად, 2019 წლის საბიუჯეტო დაფინანსების ფარგლებში სახელმწიფო შესყიდვის განხორციელების მიზნით ერთი მხრივ, სახელმწიფო საქვეუწყებო დაწესებულება გარემოსდაცვითი ზედამხედველობის დეპარტამენტი (შემდგომში შემსყიდველი) წარმოდგენილი მისი უფროსის მოადგილე, დეპარტამენტის უფროსის მოვალეობის შემსრულებლის **ზვიად შურდაიას** სახით და მეორეს მხრივ **შპს „ქვიტესტი“** (შემდგომში მიმწოდებელი) წარმოდგენილი მისი დირექტორის **დავით ქორიძის** სახით ვდებთ წინამდებარე ხელშეკრულებას შემდეგზე:

1. ხელშეკრულების საგანი

1.1 მიმწოდებელი იღებს ვალდებულებას საკუთარ სერვის ცენტრში საკუთარი პერსონალით განახორციელოს დანართი №1-ით განსაზღვრული 1 (ერთი) ერთეული ავტომანქანის ტექნიკური ინსპექტირების მომსახურება (CPV კოდი 71600000;). მომსახურების გაწევა უნდა განხორციელდეს წინამდებარე ხელშეკრულების დანართი №1-ის შესაბამისად რომელიც თან ერთვის ამ ხელშეკრულებას და წარმოადგენს ხელშეკრულების განუყოფელ ნაწილს.

2. მომსახურების (სათადარიგო ნაწილებით და საცხებ-საპოხი მასალებით) ღირებულება

2.1 მთლიანი სახელშეკრულებო სავარაუდო ღირებულება საქართველოს კანონმდებლობით გათვალისწინებული ყველა გადასახადის გათვალისწინებით შეადგენს 60.00 (სამოცი) ლარს დღგ-ს ჩათვლით.

2.2 ერთი ერთეული ავტომანქანის ტექნიკური დათვალიერების მომსახურების ფასია 60.00 (სამოცი და 00 თეთრი) **ლარი დღგ-ს ჩათვლით.**

2.3 ხელშეკრულების მე-2 მუხლის 2.1 პუნქტში აღნიშნული თანხა შეიძლება შემცირდეს (დაზუსტდეს) მიმწოდებლის მიერ ფაქტიურად გაწეული მომსახურების მიხედვით.

3. მომსახურების მიღება-ჩაბარება

3.1 მომსახურება ჩაითვლება მიღებულად მხოლოდ შესაბამის მიღება-ჩაბარების აქტზე შემსყიდველის და მიმწოდებლის უფლებამოსილი პირების ხელმოწერის შემდეგ.

3.2 მიღება-ჩაბარების აქტის გაფორმების საფუძველს წარმოადგენს წინამდებარე ხელშეკრულების მე-12 მუხლით განსაზღვრული ინსპექტირების ჯგუფის დასკვნა.

3.3 მომსახურების მიღების დამადასტურებელი დოკუმენტაციის ამზადებენ და ხელმოწერით ადასტურებენ სათანადოდ უფლებამოსილი პირები, კერძოდ: შემსყიდველის მხრიდან - გარემოსდაცვითი ზედამხედველობის დეპარტამენტის ადმინისტრაციის პირველადი სტრუქტურული ერთეულის ხელმძღვანელი

3.4 მიღება-ჩაბარების აქტისა და შესაბამისი ფინანსური დოკუმენტაციის საფუძველზე შემსყიდველი ახდენს ანგარიშსწორებას მიმწოდებლისგან განხორციელებული მომსახურებისათვის.

4. მომსახურების განხორციელების ვადები და ადგილი

4.1 მიმწოდებელმა მომსახურება უნდა განახორციელოს ხელშეკრულების გაფორმების შემდეგ, ეტაპობრივად, შემსყიდველის მოთხოვნისა და ასევე ხელშეკრულების დანართი №1-ით განსაზღვრული ვადების შესაბამისად 2019 წლის 30 დეკემბრის ჩათვლით.

4.2 მომსახურება ტექნიკური შემოწმება განხორციელდება მიმწოდებლის სერვისცენტრებში შემდეგ მისამართებზე: ქ. თბილისი ჯორჯ ბალანჩინის ქ. №36, რუსთავის გზატკეცილი მე-19 კმ (მიკრო ავტობუსების ბაზრობასთან), ქუთაისი, სოფ. ქვიტირი (ლუკოილის ბენზინგასამართი სადგურის მიმდებარედ), ბათუმი, აეროპორტის გზატკეცილი №181.

5. მხარეთა უფლება-მოვალეობანი

5.1 მიმწოდებელი ვალდებულია ხარისხიანად განახორციელოს მომსახურება.

5.2 მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს სხვას მოცემული ხელშეკრულებით არსებული თავისი ვალდებულებები.

5.3 შემსყიდველი უფლებამოსილია მოითხოვოს მიმწოდებლისაგან ამ ხელშეკრულებით ნაკისრი პირობების განუხრელი შესრულება.

6. გარანტია

6.1 მიმწოდებელი იძლევა გარანტიას, რომ განხორციელებული მომსახურება ხარისხიანი და შეესაბამება ხელშეკრულების მოთხოვნებს.

7. ანგარიშსწორება

7.1 ანგარიშსწორება მიმწოდებელთან განხორციელდება ეტაპობრივად, მომსახურების გაწევის შემდეგ, მიმწოდებლის მიერ მიღება-ჩაბარების აქტისა და შესაბამისი ფინანსური დოკუმენტაციის გაფორმებიდან 10 (ათი) სამუშაო დღის განმავლობაში, ხოლო დეკემბრის თვეში 5 (ხუთი) სამუშაო დღის განმავლობაში.

7.2 ანგარიშსწორება მიმწოდებელთან განხორციელდება ლარებში, უნადლო ანგარიშსწორების ფორმით.

7.3 ანგარიშსწორება განხორციელდება ფაქტიურად განხორციელებული მომსახურებისათვის.

8. ხელშეკრულებაში ცვლილებების შეტანა

- 8.1 არავითარი გადახრა ან ცვლილება ხელშეკრულების პირობებში არ დაიშვება ორივე მხრის მიერ ხელმოწერილი წერილობითი შესწორებების გარდა.
- 8.2 ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.
- 8.3 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

9. ხელშეკრულების შესრულების შეფერხება

- 9.1 თუ ხელშეკრულების შესრულების პროცესში მხარეები წააწყდებიან რაიმე ხელშეშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.
- 9.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

10. მხარეთა პასუხისმგებლობა

- 10.1 მიმწოდებელი კისრულობს პასუხისმგებლობას გადაუხადოს პირგასამტეხლოს სახით შემსყიდველს ამ ხელშეკრულებით გათვალისწინებული მომსახურების განხორციელების ვადების დარღვევის ან მომსახურების არაჯეროვნად განხორციელების შემთხვევაში შეუსრულები ვალდებულების ღირებულების 0,02 პროცენტი ყოველი ვადაგადაცილებული დღისათვის.
- 10.2 იმ შემთხვევაში, თუ მიმწოდებელი ხელშეკრულებით განსაზღვრული მომსახურების გაწევის ვადას გადააცილებს 30 (ოცდაათი) კალენდარული დღით. შემსყიდველი უფლებამოსილია ვადაგადაცილებული დღეებზე დაკისრებული პირგასამტეხლოსთან ერთად დააკისროს მიმწოდებელს პირგასამტეხლო ხელშეკრულების მთლიანი ღირებულების 10 (ათი) პროცენტის ოდენობით და შესწყვიტოს ხელშეკრულება.
- 10.3 პირგასამტეხლოს გადახდა არ ათავისუფლებს მიმწოდებელს ნაკისრი ვალდებულების შესრულებისაგან.

11. ხელშეკრულების შეწყვეტა მისი პირობების შეუსრულებლობის გამო

- 11.1 შემსყიდველს შეუძლია მთლიანად ან ნაწილობრივ შეწყვიტოს ხელშეკრულება, მიმწოდებლისათვის ვალდებულებების შეუსრულებლობის წერილობითი შეტყობინების შემდეგ:
- 11.1.1 თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია განახორციელოს მთლიანი მომსახურება ან მისი ნაწილი;
- 11.1.2 თუ მიმწოდებელს არ შეუძლია შეასრულოს ხელშეკრულებით გათვალისწინებული, რომელიმე ვალდებულება.
- 11.2 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.
- 11.3 შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:
- 11.3.1 თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
- 11.3.2 მიმწოდებლის გაკოტრების შემთხვევაში;
- 11.3.3 საქართველოს კანონმდებლობით გათვალისწინებულ სხვა შემთხვევებში.

12. ხელშეკრულების შესრულების ინსპექტირება

- 12.1 შემსყიდველს უფლება აქვს მიმწოდებლის მიერ მომსახურების განხორციელების ნებისმიერ ეტაპზე, განახორციელოს ინსპექტირება. ინსპექტირებას ახორციელებს შემსყიდველის უფლებამოსილი წარმომადგენლები: ადმინისტრაციის მატერიალურ ტექნიკური უზრუნველყოფის განყოფილების მეორადი სტრუქტურული ერთეულის ხელმძღვანელი და გარემოსდაცვითი ზედამხედველობის დეპარტამენტის ადმინისტრაციის მატერიალურ ტექნიკური უზრუნველყოფის მესამე კატეგორიის უფროსი სპეციალისტები (შემდგომში „ინსპექტირების ჯგუფი“).
- 12.2 ინსპექტირების ჯგუფის ფუნქციებია:
- 12.2.1 გაუწიოს კონტროლი მომსახურების განხორციელების ვადების ხელშეკრულების მოთხოვნებთან შესაბამისობის დადგენას.
- 12.2.2 დაადგინოს შეესაბამება, თუ არა განხორციელებული მომსახურება ხელშეკრულების მოთხოვნებს.
- 12.3 შემოწმების შედეგად გამოვლენილი ნებისმიერი ნაკლის ან დეფექტის შესახებ შემსყიდველი დაუყოვნებლივ წერილობით აცნობებს მიმწოდებელს წუნდების მიზეზების მითითებით.
- 12.4 გამოვლენილი დეფექტის ან ნაკლის აღმოფხვრასთან და ხელახალ ინსპექტირებასთან დაკავშირებული ხარჯების ანაზღაურება ეკისრება მიმწოდებელს, საქართველოს კანონმდებლობით დადგენილი წესით.

13. ფორს-მაჟორი

13.1 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაუღებელ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით და სხვა.

13.2 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებოდნენ ფორს-მაჟორული გარემოებების ზეგავლენისაგან.

14. სადაო საკითხების გადაწყვეტა

14.1 შემსყიდველმა და მიმწოდებელმა ყველა ღონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოავარდონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

14.2 თუ ასეთი მოლაპარაკებების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის და მიხედვით მიმართოს სასამართლოს.

14.3 პირობები რომლებიც არ რეგულირდება ამ ხელშეკრულებით მიიღება საქართველოს მოქმედი კანონმდებლობის შესაბამისად.

15. ხელშეკრულების მოქმედების ვადა

15.1 ხელშეკრულება ძალაში შედის მხარეთა მიერ ხელმოწერის დღიდან და მოქმედებს 2020 წლის „31“-„იანვრის“ ჩათვლით გარდა წინამდებარე ხელშეკრულების მე-6 მუხლით გათვალისწინებული ვადებისა.

15.2 ხელშეკრულების მე-6 მუხლის 6.2 პუნქტი ძალაშია ხელმოწერის დღიდან და მოქმედებს მთლიანი საგარანტიო პერიოდის განმავლობაში.

16. მხარეთა რეკვიზიტები:

შემსყიდველი:

სახელმწიფო საქვეუწყებო დაწესებულება
გარემოსდაცვითი ზედამხედველობის დეპარტამენტი
მის: ქ. თბილისი, გ. გულუას ქ. N6
საიდენტიფიკაციო კოდი: 206351758.
ტელ: 555096767
საბანკო რეკვიზიტები:
ცენტრალური ხაზინა
კოდი 3802;

მიმწოდებელი:

შპს „ქუიქტესტი“
მის: ქ. თბილისი ჯორჯ ბალანჩინის ქ. N36;
საიდენტიფიკაციო კოდი: 405239503;
ტელ: 599 15 00 63;
საბანკო რეკვიზიტები: სს „თიბისი ბანკი“;
ბანკის კოდი: TBCBGE22;
ა/ა GE06TB7140936070100001;



ზვიად შურღაია
დეპარტამენტის უფროსის მოადგილე
დეპარტამენტის უფროსის მოვალეობის
შემსრულებელი

დავით ქორიძე
დირექტორი

ავტომანქანების ჩამონათვალი

N	მარკა, მოდელი	ავტოსატრანსპორტო საშუალების სახელმწიფო ნომერი	ავტოსატრანსპორტო საშუალების გამოშვების თარიღი (წელი)	რეგიონი
1	FOTON TUNLAND	AA-195-MA	2014	თბილისი

შემსყიდველი:

სახელმწიფო საქვეუწყებო დაწესებულება
გარემოსდაცვითი ზედამხედველობის დეპარტამენტი
მის: ქ. თბილისი, გ. გულუას ქ. N6
საიდენტიფიკაციო კოდი: 206351758.
ტელ: 555096767
საბანკო რეკვიზიტები:
ცენტრალური ხაზინა,
კოდი 3802;



ზვიად შურდია
დეპარტამენტის უფროსის მოადგილე
დეპარტამენტის უფროსის მოვალეობის
შემსრულებელი

მიმწოდებელი:

შპს „ქვიქტესტი“
მის: ქ. თბილისი ჯორჯ ბალანჩინის ქ. N36;
საიდენტიფიკაციო კოდი: 405239503;
ტელ: 599 15 00 63;
საბანკო რეკვიზიტები: სს „თიბისი ბანკი“;
ბანკის კოდი: TBCBGE22;
ა/ა GE06TB7140936070100001;

დავით ქორიძე
დირექტორი